

Na osnovu člana 24. Zakona o osnovnom obrazovanju i odgoju ("Službene novine Kantona Sarajevo", broj: 10/04 I 21/06) i člana 135. Pravila JU Osnovne škole "Silvije Strahimir Kranjčević", Školski odbor na sjednici održanoj 03.12.2007.godine donio je

KODEKS ZA UČENIKE JU OŠ "SILVIJE STRAHIMIR KRANJČEVIĆ"

I – SVRHA I CILJ

Član 1.

Kodeksom za učenike JU OŠ "SILVIJE STRAHIMIR KRANJČEVIĆ" SARAJEVO (u daljem tekstu: Kodeks) propisuju se etička načela i principi, te pravila dobrog ponašanja kojih se pridržavaju učenici u međusobnom odnosu, odnosu prema nastavnicima i drugim osobama sa kojima su u kontaktu, dakle u svim prigodama u skladu sa dostojanstvom i ugledom škole.

Kodeksom se utvrđuje i postupak prihvatanja obaveze poštivanja njegovih odredbi, te nadzor nad njegovom primjenom.

Član 2.

Svrha Kodeksa je da se njegovim prihvaćanjem i dosljednom primjenom uspostavi primjeren nivo odnosa i kulture, a u cilju jačanja uloge i ugleda škole i kulture življenja uopće.

II – OPĆI PRINCIPI I NAČELA

Član 3.

U ostvarivanju principa Kodeksa, učenik je dužan da poduzima sukladno ovom Kodeksu određene radnje, a naročito:

- da prema svom uzrastu doprinosi ostvarivanju ciljeva i zadataka obrazovanja i odgoja, da redovno pohađa nastavu i aktivno učestvuje u nastavnom procesu
- da na svakom mjestu čuva svoj lični ugled, ugled svojih drugova, svog razreda i škole
- njeguje drugarstvo i pokazuje dobru volju za pomoć drugima
- ponaša se u skladu sa Pravilnikom o kućnom redu škole
- nastavi prisustvuje pristojno odjeven, što podrazumijeva nošenje školske odjeće, uz pristanak roditelja
- vodi stalnu brigu o ličnoj higijeni, te dolazi u školu u čistoj odjeći i obući
- prisustvuje školskim proslavama, priredbama, smotrama, izložbama i slično, koje škola oglasi obaveznim za sve ili određene pojedince ili grupe učenika
- čuva imovinu škole, vodi računa o redu i čistoći prostorija
- razvija prikladnu atmosferu u radu i tokom odmora što podrazumijeva uzdržavanje od glasne priče, galame, dovikivanja i nedoličnih šala.

Član 4.

Učeniku nije dozvoljeno:

- odnosi se uvrijedljivo i nepristojno prema nastavnicima i ostalim uposlencima škole
- dolaziti u školu u alkoholiziranom stanju ili pod dejstvom drugog narkotičkog sredstva
- dolaziti u školu nepristojno obučen (suviše tijesne odjeće, providne i dekoltirane bluze i majice, otkrivenog struka...)
- u učionicama, hodniku i na stubištu trčati, skakati, klizati se, dovikivati i činiti druge slične radnje kojima se remeti red i mir, a kojima učenik može povrijediti sebe ili druge
- nanositi materijalnu štetu školi (šaranje i pisanje po zidovima, izrezivanje...)
- pušiti u dvorištu i prostorijama škole
- uvoditi životinje u dvorište škole i školu
- donositi opasne predmete u školi (nož, oružje, oštri predmeti, petarde...)
- unositi i ostavljati predmete veće materijalne vrijednosti koje učeniku nisu potrebne za vrijeme boravka u školi (nakit...)
- izazivati i učestvovati u tuči u školi i dvorištu škole
- igrati loptu i galamiti u dvorištu

III- UPOZNAVANJE SA SADRŽAJEM KODEKSA

Član 5.

Direktor škole I nastavno osoblje dužni su upoznati učenike sa sadržajem Kodeksa I ukazati na važnost njegovog poštivanja.

IV- NADZOR NAD POŠTIVANJEM KODEKSA

Član 6.

Nadzor nad poštivanjem Kodeksa vrši direktor škole ili osoba koju direktor odredi rješenjem.

Član 7.

U slučaju nepoštivanja principa I pravila Kodeksa direktor je dužan preduzeti odgovarajuće mjere u skladu sa zakonom I drugim propisima.

V-POSTUPAK DONOŠENJA KODEKSA

Član 8.

O Kodeksu učenika na organiziranim raspravama izjašnjavaju se I konsultuju članovi Vijeća roditelja I vijeća učenika.

VI- STUPANJE NA SNAGU KODEKSA

Član 9.

Kodeks stupa na snagu nakon usvajanja od strane Školskog odbora uz prethodno pribavljeno mišljenje Vijeća roditelja I učenika škole.

Broj: 1293-1/07
Sarajevo, 04.12.2007.godine

PREDSJEDNIK ŠKOLSKOG ODBORA

Alber Papo